


M E T H.



Laberus.

Ger reliquus *Eblanorum*, olim regnum fuit, & quinta Hiberniæ portio, quam patrio vocabulo *Mijh* dicunt, Angli *Methe*, Giraldu *Midiam* & *Mediam*, forsitan quod sit in ipso Insulæ medio. Umbilicum enim Hiberniæ *Kil-lair*, in hac parte castrum, quod videtur esse Ptolemæi *LABERVS*, perhibent, ipsumque nomen non aliud innuit. *Lair* enim lingua Hibernica medium significat. Hæc ab Hibernico mari ad Sineum usque flumen portensa jacet, quoad *glebam* (ut inquit Barthol. Anglicus) *fertilis in frumento, pascuis, & armentis, abundans in piscibus, carnibus, & aliis victualibus butyri, & casei, atque lactis, fluminibus est irrigua. Aspectum habet delectabilem, aërem salubrem. Quoad sylvas, & paludes in ejus extremitatibus habet aditum valde fortem, & ideo propter populi multitudinem, castrorum, & opidorum fortitudinem, CAMERA vocatur HIBERNIÆ vulgari-ter propter pacem. Patrum memoria cum regio amplior esset quam ut ab uno Vicecomite administrari posset, & ut iustitia facilius exerceretur, in duas partes, scilicet Comitatum *Midie* & Comitatum Occidentalis *Midie*, publico Ordinum Regni conventu anno xxxviii Henrici Octavi fuit dispertita.*

COMITATVS METH.

Divisio
hujus Co-
mitatus.

Eth Comitatum à Meridie *Kildariensis* ager, ab Ortu *Dublinensis*, & mare à Septentrione *Louthensis*, & ab Occasu Comitatus *West-Meth* circumcingunt. Totusque est in xviii Baronias divisus, scilicet *Dueleke*, *Scrine*, *Slane*, *Margallen*, *Navan*, *Kenles*, medietatem Baronie de *Fower* juxta *Kenles*, *Killalou*, *Demore*, *Clove*, *Moyleagh*, *Logherne*, *Oldcastle*, *Lwyn*, *Moyseuraghe*, *Deese*, *Rath-outh*, & *Dunboyn*.

Boyn fluv.

Boyn fluvio Ptolemæo *BVVINDA*, Giraldo *BOANDVS*, fluvius nobilis è Septentrionali latere Comitatus Regii fontes aperiens hunc interfuit. In citeriori parte cis Boyn memoratu digna sunt *Galtrim*, ubi familia *Huseiorum* jam diu habitavit, Castrum *Killin*, quod Hugo *Lacy* Custos Hiberniæ sub Henrico Secundo construxit: & *Dunsany*, quæ suos habent Barones Parlamentarios antiqua nobilitate claros, è familia *Plonkettorum* quam alii è *Dania* deducunt; sed eadem plane insignia variatis coloribus gestant quæ *Alanus Plonket* de *Kilpeck* in Anglia, qui Baronis etiam dignitate sub Edwardo Primo floruit. Hæc autem *Plonkettorum* familia in Hibernia maxime eluxit, ex quo *Christophorus Plunket* vir fortis & prudens qui *Deputatus* erat (ut vocant) *Richardo Duci Eboracensi* Proregi tempore *Henrici Sexti*, evectus fuerat

Galtrim.
Dunsany.
Killin.Baro Kil-
lin.

Plonkett.

ad dignitatem Baronis *Killin*, quod per uxorem è stirpe *Cusakia* hæredem ipsi obvenerat, ejusque filius secundo-genitus titulum Baronis *Dunsany* sua virtute consequutus erat.

Baro Dun-
sany.

Trans *Boyn*, sunt *Trimletstoun*, quæ suum habet Baronem è familia de *Barnwell*: Ioannem enim *Barnwell* Rex *Edwardus Quartus* ad honorem Baronis Parlamentarii extulit: *Gormanston*, quæ suos habet Vicecomites honorarios bene de Republica meritos è prosapia *Prestonorum*, ut creditur, in Comitatu *Lancastrensi*: & *Slane* quæ itidem suos ostendit Barones è familia *Flemingorum*, sive *Flandrensi* & inter illos est *Aboy* frequens mercatus. Ad *Boyne* fluvium præterlapsus fuerit *Glan-Iores*, id est, *Terra filiorum Georgii* (è *Birminghamorum* fuit ille stemmate, cujus hæres amplum patrimonium cum castro *Carbray* in *Prestonorum* familiam conjugio intulit) *Trim* subluit melioris notæ Emporiolum, ubi *Guilielmus Pepard* castrum posuit: antiqua hæc fuit *Laciorum* Baronie, quæ titulis Ducum *Eboraci* accrevit, qui Dominos de *Trim* se scripserunt. *Navan* inde præterfuit quæ habet Baronem sive Baronetum sed non Parlamentarium, & Episcopo *Diocesios* plerumque præbet domum, qui nullam habet jam Cathedralē Ecclesiam, sed omnia agit assensu *Clari Midenfis*. Ad *Cluanarard*, quod & *Clunart*, ubi *Hugo Lacy* olim castrum posuit, sedisse videtur: nam in Apostolicis literis legitur Episcopus *Midenfis* siue *Cluanarardensis*, & corrupte ut videtur in Provinciali Rom. *Elnamirand*. *Boyn* jam pleniore alveo properantibus quasi undis celer aliquot permenus milliaria in mare prope *Droghedam* effunditur. A celeri cursu hunc *Boyn* sic nominatum quid si existimem? *Boan* enim tam Hibernice, quam Britannice *Velocem* denotat, *Nechamusque* noster de hoc cecinit:

Barnwell.
Baro
Trimlet-
stoun.Viceco-
mes Gor-
manston.
Baro Sla-
ne.Carbray.
Trim.Navan.
Nangle.Episcopus
Midenfis.

Ecce Boan qui Trim celer insluit, istius undas

Subdere se falsis Drogheda cernit aquis.

Maximo honore & nomine in hoc Comitatu, præter eos quorum jam memini *Plonketos*, *Flemings*, *Barnwells*, *Huseios*, habentur *Darcii*, *Cusaki*, *Dilloni*, *Birminghami*, *De-la-Hide*, *Netervilli*, *Garvii*, *Cadelli*, & alii quos mihi non sit fraudi reticere, vel hos vel alios alibi non suo, pro dignitate, ordine recensere.

COMITATVS
WEST-METH.

Comitatus *West-Meth*, id est, *Occidentalis Midia*, ratione alterius quam dixi, cui ad Occasum conjungitur nomen sortitus; ad *Shannon* flumen pertingit inter *Regium* Comitatum ab Austro, & *Longford* Comitatum ab Arcto interpositus. Quibus nec soli fertilitate, nec incolarum multitudine, nec alia re quavis, nisi